

欽定大清會典事例

欽定大清會典事例卷九百八

工部

河工

物料二

嘉慶四年奉

旨。河工需用料物價值。例有正項開銷。豈容輕易加增。況自昨汎大工合龍穩固後。並無搶險之事。不過歲修常辦工程。乃該督等以籌備幫價為詞。請於地糧內按年攤徵銀十四五萬兩。使豫省羣黎俱受其累。豈忍出此。雖所稱酌添運費。每稽一斤止係五毫。而一經州縣胥吏之手。則層層加派。所徵必不止於此。

數且議加之後不能復減。非暫時藉資民力。竟永遠累及閭閻矣。乾隆五十七年欽奉

皇考諭旨。以每年常辦之工。動議增添。年復一年。伊於何底。腹小民之脂膏。為不肖官吏影射侵漁地步。

聖訓煌煌。至為明切。豫省豈無檔案可稽。而竟敢踵為此奏。朕向聞河工積弊。有溢用不能開銷之款。往往借他項彌縫。該督等奏請加增運費。大約不出乎此。俱著交部嚴加議處。○五年覆准參遊等員。毋許干預工程。分領購料。覈減各案。毋得再行找給。各廳歲料。先期購辦。認真收驗。以清積弊。而重

河防。○六年

諭永定河採辦料物。著照所請。於部庫內撥銀五十萬兩。內務府廣儲司庫內撥銀五十萬兩。交領備用。至所稱需用料物。因附近地方多被淹浸。百物昂貴。例價不敷。懇請照市價購辦一節。本年永定河決口漫溢。所需料物。較之往年多至數倍。而直隸州縣多半被災。秫稻等項。不無短少。兼之道路泥濘。遠處一時不能運到。市價昂貴。自屬實在情形。所有此次永定河工需用物料等項。著加恩准其照依市價購辦。以濟急需。但市價長落不一。此時雖屬昂貴。轉瞬水退。

道乾價值自必漸減。當隨時確查料物貴賤情形。飭令承辦之員據實報銷。不得以目前最昂之價為準。藉口浮冒。至河工定例。土隄漫口。係銷六賠四。著落各員分賠。至堵築石隄及挑挖淤塞。向無應賠之例。現在永定河石土各隄決口。多至三千數百餘丈。皆因下游高仰所致。歷任各員因循玩誤。不肯隨時疏濬。以致下壅上潰。衝決石隄。咎無可辭。若不即令賠修。是貽誤各員。轉得置身事外。不足以昭平允。除修築土隄。仍照例著落各員攤賠四成外。其堵築石隄及挑挖淤仰各費。著估計用銀確數。查明自乾隆三

十八年起至嘉慶五年止。歷任直隸總督永定河道暨廳汛各員。分別正任署任。年月久暫。開單具奏。酌令攤賠。以示懲儆。○又奏准嗣後堵築大工。遇有鄰省協濟料物。即由鄰省本處造冊報銷。毋庸轉轉撥解。以歸簡易。而杜牽混。○七年

諭永定河石隄工程。每次歲修。不過零星黏補。上年工程。係通身修砌。加灌汁漿。所用灰斤。照常例倍增。自係實在情形。著加恩將此次多用灰斤價銀二萬一千一百餘兩。准其照數開銷。並著工部存記。如保固例限內致有損漏。仍著落承辦之員賠補。此後永定

河歲修工料俱照部中成例辦理。即他項工程亦不得援以為例。○八年

諭永定河購辦料物。向在附近邨莊採買。均按例價支發。自嘉慶六年被水後。河工需用秣糈。向遠處購買。以致運腳多費。自係實在情形。著照所請。除永定河下游六汛採辦料物仍照例價外。其上游八汛辦理糈料。每束加運腳二釐五毫。以資採買。該督仍督率河道等隨時稽查。俟數年後附近地方可以採買。即將加價停止。仍照定例開銷。○又

諭南河另堵邵壩工程。前經工部以該督於幫價之外。

復又例外加用。詳細奏駁。旋據該督具奏。以加價加料。本屬二事。復經交部議奏。茲據工部查明。乾隆五十三年奏定成案。例外加用一項。即有加價在內。且必須切實具奏。方可准行。至另堵邵壩。例外加用之處。並未專摺奏明。其節次奏報摺內。止將酌給飯食。多用繩樑。及慎重進占。加做夜工等語。零星撓入。以爲例外開銷地步。本案既有特旨。准其幫價。更非從前各案可比。何得將逾例之事。作為定例。以致加而又加。伊於何底。即如該督所稱。棘繩一項。其加增數目。較之例內。增添多至數倍。其鐙燭一項。則南河經



費。舊有開銷原非令其黑夜施工。而河兵本有應得錢糧。又何至枵腹從事。必須另給飯食乎。該督摺內所敘殊非確實情形。所有此項例外加用銀兩。仍照部議行。嗣後堵築大工。例外加用一款。非專摺奏明者。悉行議駁。至南河堵築各工。向無幫價名目。此次邵壩因火毀隄身以後。兩次奏請。係朕特旨允行。嗣後不得援照此例。率行瀆請。○又

諭。工部奏河道搶險工程。請飭河臣於奏報情形摺內。確計丈尺銀兩。以昭覈實。係為慎重錢糧起見。但黃運兩河。遇有險要工程。臨時急須搶護。多係刻不容

緩是以向來各該河臣奏報情形均即一面興修。迨各處工竣分案造冊題估。今若令其於估計後始行搶修。轉致於河工有誤。殊有關係。惟是各該河督奏報摺內。凡遇搶險處所。往往用一半等處字樣。並不確指起止地名。恐啟廳汛各員影射浮開。及事後增添情弊。亦不可不防。嗣後凡有添築埽壩等工。如勘明實係緊要處所。萬難稍緩者。仍著各河臣一面上緊搶護。一面於興工後。即將新工地名段落。確實聲明。並各工長寬高厚丈尺若干。約需銀數若干。逐一分開詳細具奏。以便交部查覈。不得仍稱一半等處。

語涉含混。其尋常各工。仍俟估報後再行興修。庶於國帑工程。均歸覈實。而杜浮冒。○九年

諭。豫省河防歲料。向於新料登場後。用例價採買。今據奏稱。沿河州縣。上年本屬歉收。而此次堵築衡工。需料較多。撙購殆盡。此時設法辦理。未免諸形昂貴。自係實在情形。著照所請。將現在購料之上南等九廳。各按距工遠近。分別酌加價值。迅行採買。以備要需。所有此項加價銀十九萬餘兩。著即於司庫墊撥。仍照例攤徵歸款。該河督等當飭令各廳員妥為經理。毋使稍有浮冒累民。○十一年奉

旨。河工歲辦蘇麻。向無幫價。今查明原定例價。實屬不數。所有蘇麻一項。著准其照例價加增一倍採買報銷。以歸覈實。○又

諭。河工應用夫土木石簣項。向來因價值加增。承辦廳員詳請加價。該河督即照時價批准。復恐不能按例報銷。遂任承辦之員。虛估工段。寬報丈尺。以符部價。是該河督明知所報不實。據冊咨部。部中亦即照所開工段丈尺覈銷。竟係相率為偽。且廳員等以報部工程。俱係通融開報。勢必藉稱例價不敷。任意浮冒。其弊將何所不至。上下相蒙。不成政體。著照戴均元

所奏准其將應用物料按照時價實用實報不得稍有虛假仍著將各項物料價值由地方官詳報督撫按月咨部存查至物價隨時長落原無一定近日物料昂貴人所共知儻嗣後物價已就平減而報部之數仍按價貴時報銷則係承辦之員蒙混侵蝕必當嚴叅懲辦設將來物價較此時復有加增亦准其據實咨報該河督等惟應督飭在工大小官員各矢天良確估覈銷毋任絲毫浮冒○又

諭河工用費浩繁其弊混之處層出不窮不可不設法嚴杜前經降旨令將河工報銷一事按照時價具報

不准浮開工段。以示覈實。復因例價係多年奉行。時價係早晚更易。若專憑時價覈辦。則部中竟無例可循。亦滋流弊。續經降旨。於工程報銷時。將定例准銷若干。不敷若干。應增時價若干。隨案聲晰具奏。但此事總在經管大員隨時實心查察。認真辦理。方於辦工無誤。而用項不至虛銷。京城辦理工程。皆特派大臣查驗收工。鐵保僅請令州縣於工滿之日親赴查驗。尚不足以昭鄭重。此後竟當派司道府大員前往各工。按原估工段丈尺。逐加查勘。並將河工例價應報若干。現在因何不敷。應加至幾倍。方能辦理之處。

據實結報。方准奏銷。若查有偷工減料情節。即嚴行揭叅治罪。以示懲儆。儻司道府等瞻徇不舉。別經發覺。一併治罪不貸。○十二年

諭工部奏查明南河需用料物例價。並鐵保等奏請加價數目。及此次英和所擬增減各價值。分析比較。開單進呈。朕詳加批閱。所開料物十一款。內除鐵器雜料煤炭等項一款。仍照例價。並無增添外。其餘各款。均比照定價。增添半倍一倍。以至數倍不等。河工需用料物。全在經手得人。自無弊混。從前即未經加價。在謹飭辦工者。自不致多有浮開。而見利忘害者。全

借此虧國肥己。此時加價之後。設或辦工各員。仍前糜帑營私。其弊又將何所不至。是河工杜弊之法。原不專在於定價。但近年大工屢興。物產昂貴。一切工料。不能悉照舊價辦理。亦係實情。既據英和等到彼訪查明確。自當酌量准行。但亦不能不定以限制。所有單內增添價值。著將較舊價多半倍一倍倍半以及兩倍者。均照所議辦理。其有較舊價加至兩倍以外。至三倍四倍半有零者。著減至加兩倍為止。於兩倍之外。不得再有浮多。此次定價之後。工員承辦料物。自更無掣肘之虞。不得再有藉口。若仍前虛估寬



報復有弊混。一經查出。必當重治其罪。不能稍為寬恕矣。至於時價。早晚本自不同。即歲需工料。亦有多寡不一。將來如果辦工較少。物價漸平。該河督即當據實奏聞。酌量議減。設或物價仍復昂貴。該河督亦隨時具奏。再行請旨辦理。○又

諭鐵保等奏遵旨將減定南河物料價值分別柴薪細數再行開單具奏一摺。南河物料時價。歷年俱有增無減。經朕特派大臣親往查勘。後已降旨酌照例價止。准加至兩倍。原不准再有浮多。茲據鐵保等查明各項料物內。如靛灰煤鐵等項。尚可撙節辦理。惟徐

屬之秭秭揚屬之葦柴。最為正料大宗。現在各廳屬  
稽價亦俱多寡不齊。然尚可損此益彼。增減相抵。不  
致有逾定價。至揚屬葦柴一項。原定例價本輕。節年  
來灘地漸遠。轉運日難。現在市價每斤實需制錢六  
七文不等。若止照例價加增兩倍。僅准銷銀二釐一  
毫。萬難敷辦。懇於原請加價三倍半至四倍有零之  
中。酌減十分之二。比較例價約三倍有零。承辦庶無  
掣肘等語。自係實在情形。向來河工積弊。多以通融  
虛捏浮冒報銷。自當覈實辦理。此項葦柴價值。既據  
該督等查明。實在不敷採辦。籲請酌增。著加恩將此

一項即照所請於原加二倍外再加一倍有零該督等惟當嚴飭各屬實心購買。撙節支用。仍隨時嚴密句稽。毋任稍有弊混。○十五年

諭南河現在修復海口大工。所需一切料物。均關緊要。前因工部覈議該河督等奏請酌增料價。特諭令馬慧裕就近確查。茲據奏稱查明購辦物料情形。需用浩繁。運腳亦較昂貴。懇請將稽麻二項價值量為加增等語。海口路途遼遠。產料處所遠近不同。而運料亦自不能一律。所有稽價著准其照現行之價增至三釐七毫。麻價著准其照現行之價增至四分一釐。

惟責成該河督嚴飭承辦各員覈實經理務期工歸實用帑不虛糜。○十六年

諭李亨特等奏沿河稽束歉收購運歲料懇恩暫增價值一摺本年黃河異漲山東河南沿河灘地被淹稽束歉收且江境興舉鉅工料價騰貴該省豫辦歲料例幫二價不敷購運自係實在情形著照所請將山東河南歲料價值於例價幫價外每斤增銀五毫每垛五萬斤增銀二十五兩並例幫二價共銀九十五兩所有本年山東河南應辦十七年歲料著即照加價辦理俟來歲稽束有收即行停止其河南增價銀

兩。即著於十七年減辦稽垛節省例幫二價。及十五  
六兩年捐廉項下節省銀兩。並開歸河北道庫備防  
稽料價銀款內動用。山東增價銀兩。即著於生息款  
內動支。○又

諭同興奏籌辦協濟南河稽料。懇請加增津貼銀兩。此  
次山東協濟南河稽料。雖因本年稽束歉收。料價昂  
貴。但每堆於例價運腳之外。已加津貼銀一百兩。若  
再加銀二十五兩。未免過多。准其加津貼銀十五兩。  
即於節省項下動支。不得再有加增。該撫仍嚴飭承  
辦各員。務須按照斤秤丈尺。覈實購辦。迅速運工。驗

收。若有虛浮剋扣者。嚴叅示懲。○又

諭。據百齡等奏。李家樓堵築漫口需料繁多。懇援照大工加價成案。酌增價值一摺。本年南河兩處興辦大工。需用稽料。蘇麻較多。而李家樓地處上游。值東豫兩省稽麻。歛收價值昂貴。購運維艱。自係實在情形。著照所請。料價一項。准其每斤給銀四釐七毫。蘇價一項。准其每斤給銀四分五釐。該督即分飭各委員迅速購運。以濟要工。○又

諭。河工購辦歲料。分垛堆貯。原應覈實查驗。現因例價不敷。並准其加價購買。尤不容稍有虛浮。著通諭江

南山東各河督嚴飭所屬道廳將稽料束數斤數務按奏定章程覈實採辦。於購買齊全後該河督親往抽查。若丈尺束數斤數或有未符及攙雜碎料泥溼朽腐等弊一經查出即據實嚴叅治罪。○又

諭直隸溫榆河上游果渠邨一帶新河培築隄壩各工前據溫承惠奏估需工料懇請加給半價銀兩節次經工部駁飭刪減在案。茲復據溫承惠奏該處地僻鄉隅素不產料工匠人夫等又須向別處雇覓所需腳價較多。若概行刪減不無掣肘。現在大汛屆期購料鳩工實難減省可否准將本年及十四五兩年加

給半價開銷俾免賠累等語。河工料價等項俱有定例。不能逾額增加。今據該督奏該處工料情形。不無昂貴。而現在又屆大汛之期。亟須趕辦。不能悉照定價。姑照所請。將本年鑲築加培隄壩等工。並十四十五兩年已辦工程。俱准其加給半價。仍令覈實造報請銷。但此次加價後。將來不得再行瀆請加增。致開冒濫之漸。儻不隨時撙節。任意浮多。又欲援照此奏藉詞加給。該部於銷冊到時。除照例覈駁外。並當叅奏議處。○又奏准山東省濟甯等處塘河。每歲挑淤兩岸積成山阜。有礙民居。亟應籌挑積土。以臻



妥善。所有挑土一方。估價銀一錢八分六釐。共  
估銀二萬九千七百二十兩零。即在運河道庫  
借墊發挑。○又

諭李亨特等奏籌挑積土一摺。東省濟甯等處塘河。每  
歲挑淤。俱將所挑之土堆放兩岸。積成山阜。其濟甯  
城外一處土山。自嘉慶五年估挑十分之三以後。仍  
歷年堆積。現已高並城牆。不惟挑河之際。人夫下上  
艱難。兼於附近民居有礙。現在地方紳民等籲懇挑  
除。自應亟為籌辦。著照該河督等所請。每挑土一方。  
准估方價銀一錢八分六釐。共估銀二萬九千七百

二十兩零。先在運河道庫兵夫工食存款內借墊發挑將每年運河挑工津貼及黃河歲料幫價兩項節省銀兩。按年歸還。此次挑工之土。據稱運至城東玉露庵及教場迤東一帶窪地均離該處四五百丈之遠。辦理自屬得宜。但此後挑河若仍照舊就近出土。則該處挑復平地不久又成土山。徒糜經費。著該河督等於每歲挑河之際。酌定離遠低窪處所。出運淤土。免致日久堆積近處。又需挑挖。且俾兩岸民房永無被累之虞。方為妥善。該省除濟甯以外。所有歲應挑挖之塘河。並各處牘河。均著照此辦理。○十七年

諭長齡奏豫省承辦協濟麻料不敷懇恩暫准加價一摺。上年因江南李家樓大工緊要，飭令河南省協濟糶料三百垛，絲麻五百萬斤。業經該省勒限購辦全數運工。豫省上年歉收，麻料二項所產本少，兼之鄰省同時購辦，價值增昂。自係實在情形。著照所請。將此次豫省協濟大工麻料，暫照江省奏增價值。糶料每斤銀四釐七毫，絲麻每斤銀四分五釐之數。覈實報銷。又議准直隸省天津等四道歲搶修等工購用料物，八月給銀，十月辦足交工。飭令廳汛各官互相秤收，取具印甘各結存案。每垛以五萬

斤為率。編列字號。堆積備用。儻承辦之員限內不能如數辦足。或將大秤秤收。並不堆垛。或堆垛而短少斤重。或將舊存腐爛料物混行攙入。並架橋搭空。以圖掩飾。經廳汎印官於互相秤收之時。查出揭報。或經該督訪聞。立即嚴叅議處。如過十月之後。辦買不足。及過期發銀。購辦遲滯。亦即分別查叅。○又奏准。衡家樓大工案內。原撥粵海關銀一百萬兩。作為豫省歲料幫價成本。交兩淮長蘆各商。每月一分生息。以為歲料之用。自二十三年停止攤廉提用息銀。○

又議准豫東二省採辦歲料。每垛除例價銀四十五兩外。再加幫價二十五兩。共例幫價銀七十兩。不得以五六七八等月新舊不接。工用較繁。於幫價之外。復行議增。○又議准豫東兩省採辦歲麻。每斤除例價銀一分四釐四毫外。再加幫價銀一分四釐四毫。共例幫價銀二分八釐八毫。其搶險添辦麻斤。照歲麻價值採辦。不得於幫價之外。再請增加。至隔河運送麻斤。如南北兩岸。有應量為調劑之處。即於所加幫價銀內酌籌辦理。亦不得於幫價之外。再請增加。

○又議准東河購辦料垛。統限年內全數到工。

該河督於到工後。親往驗收。其未經查驗者。不

准擅動。莖束每年用贖餘料。於霜降後。責令河

道周歷各廳。查明實存若干。即抵作來年歲料。

將新料照數覈減。

如歲料有餘。即於發辦防料內照數扣抵減辦。防料有餘。

即於來年歲料內扣抵減辦。

○又議准鑲工之時。無論遠近。

先儘舊料撥運應用。本年霜降後。截數存工之

料。止准作次年工程之用。不准存至第三年。致

有殘朽黴爛。○又議准東河稽料。每垛長六丈。

寬一丈三尺。檐高一丈。脊高一丈五尺。重五萬

斤。不得稍有虛鬆。儻有擅改長丈高寬。以及搭

架空虛抽秤短少者。從重叅處。至河工報銷。仍按束數斤。按斤

數價。以符定例。○又議准。查驗拆出微爛不適工用之

料。不及一成。及抽秤斤重。有一處不足者。將承

辦之廳員。革去頂戴。戴罪賠補。全完開復。一成

以上至二成。及斤重有二處不足者。承辦之員。

降三級調用。仍押令賠補。二成以上至三成以

外。及斤重有三處不足者。承辦之員。革職賠補。

如無力賠補。責成該管道員。照數賠繳。該管道

員。如先行查出揭報免議。其失察者。一併分別

議處。又議准江南省黃運兩河工段。每年豫酌歲需數目。購辦十分之七。儲工備用。如辦不足數。令盤查之州縣揭報。以侵欺錢糧例題參治罪。儻盤查之員。扶同瞻徇。將短少料物責令賠補。仍交部議處。該管道員。瞻顧情面。不加督察。一併題參。又議准江南省各廳除豫備歲料外。每年發銀三萬兩。添辦料物。堆儲上游。遇有新險。星飛撥運。協濟。如無新險工程。入於次年歲搶修工程。動用照數扣銀。另購新料堆儲。儻存賸物料。以多報少。浮領庫帑。即行指參。



又議准南河睢南邳北宿南宿北桃南桃北裏  
河各廳於存水較大工多料少處所督飭道廳  
等寬為豫備總河親往查驗堅實堆積遇有新  
險工段方准動用。又議准南河各廳料垛每  
垛青料應重五萬七千斤。溫料應重四萬九千  
四百斤。枯料應重四萬一千八百斤。照青溫枯  
牽算。稱足斤重。均以五萬斤為率。各堆樣垛一  
座。柴料每垛長三丈。寬一丈二尺。檐高一丈。脊  
高一丈五尺。計四十五方。稻料每垛長六丈。寬  
一丈三尺。檐高一丈。脊高一丈五尺。計九十七

方五分。按方覈斤。定為稽查準則。○又議准江南省豐蕭錫銅沛等廳就近全辦秬稻。運工濟用。毋庸遠赴海蕩兼購葦柴。每年於七月內酌定銀數。由該府分發各州縣承辦。年內辦足到工。派令不管河工之廳員。秉公查驗秤收。僅有指稱選擇。勒指印官。以及印官強買勒派貽累百姓等弊。該督即行嚴叅。○又議准南河高堰汛堡夫二名。原領堡地六十畝。每年交秬稻六十束。如遇水漲被淹。該河督取具縣汛各結。並該管道員印結。咨部豁免。○又議准葦蕩左右

兩營增採柴束。每年五月內將青柴長發情形。分別上中下茂。由本管道員確勘。詳請具奏。設有水旱蟲傷。隨摺聲明。○又議准葦蕩左右兩營。收採額餘柴束。如未經運送交廠之前。被水淹浸。以致淤陷黴朽。除稍可適用之柴。儘力捆載運工外。其黴朽腐爛。虧折不堪應用之柴。由該督委員確切查明取結。加結送部。奏明豁免。○又議准葦蕩營額柴二百四十五萬束。自霜降後開採起。至次年清明止。委員住蕩監督。趨採。照額清完。如逾限不完。照所欠柴數。千把總

分賠六分。守備分賠三分。參將分賠一分。完日開復。如果實力督採。餘柴五萬束以上者。該督酌量分別記功獎賞。十萬束以上者。紀錄一次。再有加增。照數遞加紀錄。○又議准。右營柴束。於正月初旬。勒限運清。至遲不得過五月。左營柴束。於五月內。勒限運清。至遲不得過十月。倘逾限未完。罰令該管備弁。自備水腳。雇募民船。再限一月。全運清完。如再不完。照未完葦柴之例。分別叅處。○又議准。葦蕩營船隻到蕩。定限三日內。裝完開行。到廠定限兩日內。卸完放回。

具報該督衙門查考。如逾限遲延。即行提究。○  
又議准。葦營出運之時。該營備弁在蕩交裝。參  
將在廠交收。每船各設循環簿二本。申送該督  
衙門查考。○又議准。各省河工豫辦歲料。及備  
防料物。該督撫於採辦完竣時。將各廳實買料  
物若干。先行造冊送部。年終再行造具舊管新  
收開除實存四柱清冊。送部備查。並於修工案  
內。將動用何項料物若干數目。詳細聲明。以憑  
查覈。○又議准。江南省銅沛邳睢宿虹桃源運  
河各廳採辦大蘆。每束重二十二斤。按道里遠。

近銅沛連運腳給銀一分九釐。邳睢桃源連運  
腳給銀一分八釐。宿虹運河連運腳給銀一分  
七釐。以濟工用。將來出產漸多。價值隨時酌減。

欽定大清會典事例卷九百九

工部

河工物料三

嘉慶十八年議准下河南廳祥符上汛黑堽一  
工兩面均有積水坑塘土方例價不敷每方暫  
加價至八分四釐及一錢三分四釐不等嗣後  
不得援以為例。十九年奏准南河山安等廳  
購辦柴秸價值照現行之例酌減一成。又

諭吳璥等奏酌定料土方價值一摺豫省今歲雨水  
害足新稻新穀現已漸次刈穫俱屬豐稔該河督等

覈減料價。酌較上年所定稽料。每垛減去銀五十兩。  
榮麻每斤減去銀五釐。所辦甚屬覈實。其土方每方  
於例幫價三錢外。酌加幫價一錢。亦著照所請辦理。  
○二十年奏准。豫省河工歲料。不敷搶險之用。  
於五千垛之外。每年添購二千餘垛。例幫價銀。  
全行作正開銷。○又

諭。吳璥等奏請酌加歲料津貼銀兩。彙入大工案內。攤  
徵歸款一摺。豫省值興辦大工之後。存料較少。例價  
不敷。若責令照舊購買。恐廳員等藉詞賠墊。貽誤工  
需。加恩著照所請。將附近睢工購料最難之儀睢曹



考下北三廳每斤加銀五毫。距工稍遠之蘭儀下南  
商虞祥河四廳每斤加銀四毫。距工較遠之中河上  
南歸河衛糧黃沁五廳每斤加銀三毫。並收買柳枝  
雜草。搭配稻料。所有乙亥年歲料四千五百垛。共加  
價銀八萬七千餘兩。著由司庫墊發。即照例統入大  
工案內攤徵歸款。又據奏山東漕河糧河兩廳亦係  
睢工附近之區。購料維艱。事同一例。並著照所請。將  
該兩廳歲料銀兩。每斤於例價之外。加銀三毫。○又  
議准葦蕩營採割餘柴。每束給刀本銀一分二  
釐。船兵裝運正柴。照水腳例。給予津貼雇船裝

運餘柴酌給水腳。均按蕩地到工。分別程途遠近。釐定數目。給發運腳。各廳自廠雇船轉運正柴。加給津貼。以一倍為止。其垛碼蕩柴。右營每束用銀三釐。左營每束用銀一釐。於餘柴變價項下支用。餘柴變價。准其照現行漕規。交廳作價。除去工本。及各項津貼之費。必須仍有節省銀兩。方與購買民柴有別。其節省銀兩。於每年蕩柴辦理完竣之後。查明實在節省銀若干兩。歸入正項。報部查覈。如所採之柴。不敷發出工本。著落承辦之員。照數賠繳。統於年終造具四

柱清冊送部備查。○二十三年

諭。吳璥等奏。稽料運費繁重。例幫二價不敷。抽挑河渠人夫口食維艱。著照所請。准其每稽一斤。給銀二釐。每土一方。給銀三錢。工竣覈實報銷。○又奏。南省料價漸平。各項料物亦應一律查減。並將例時二價開單具奏。奉

旨。所有單內增添價值。著將較舊價多半倍一倍倍半以及兩倍者。均照所擬辦理。其有較舊價加至兩倍以外。至三倍四倍半有零者。著減至兩倍為止。於兩倍之外。不得再有浮多。違者工部仍前不准。○又

諭工部奏南河物料時價漸平。請覈實辦理一摺。南河需用物料。前因時價增昂。經該督等奏明降旨飭查。准其加價。嗣以南河柴稻市價稍平。復令將原增例價隨時酌減。近數年來南河各工均臻平穩。一應物料價值自應更為平減。乃該河督等連年報銷。僅將淮揚淮海二道及宿南宿北二廳柴稻酌減一成。海安海阜二廳量加節減。其餘屬六廳常鎮二廳尚不在議減之列。此外河工需用之霖斤柳束湖蘆雜草杉椿石料河甌土方夫匠等項。款目繁多。亦均未議減。計自嘉慶十一年加價以後。即就歲搶修一項。覈

計已加用銀一十萬兩之多。其另案搶辦。及隨時堵築挑培各工。加增銀數。仍屬不少。國家經費有常。豈容如此浮糜。著將工部原摺原單發去。交孫玉庭會同黎世序將單內所開各款。逐一確查。據實覈減。即不能悉符舊例。亦將何項可以減價若干之處。分析酌覈。奏明議減。務各激發天良。認真查辦。不得率聽工員浮開捏報。致滋弊混。○又

諭。孫玉庭等奏南河物料價值分別酌減一摺。前據工部奏。年來江南河工順軌安瀾。料價漸平。請降旨令江南總督河督將各廳柴稽未經減價者。及蘇斤甌

石夫工等項覈實議減。茲據該督等奏除海柴蔴麻杉椿甌灰土方夫匠等項實難議減外。請將上下各廳稽料未經減價者酌減一成。已減者免再減。江柴湖蘆雜草亦酌減一成。高堰山盱裏河外河外北五廳採辦濶溪石料俱酌減一成。其餘各廳仍循舊例。著照所請。仍自本年霜降後為始。照所減之價辦理。並著工部查覈照現減價值通計一年約可撙節錢糧若干。自行具奏。○二十四年

諭。吳璥等另摺所奏採辦稽蔴興挑土方例價不敷。請照歷次辦理大工酌增例幫價銀。著照所請。採稽一

項。每斤准給例幫價銀四釐。蒙麻一項。每斤於例幫價銀四分之外。准其再加二釐。挑挖引河及抽溝土方價值。准其每方給幫價銀四錢。其壩頭各項土工。仍照向例每方給銀三錢。所需例幫價銀。俟工竣之日。仍照例分別銷賠攤徵。○二十五年

諭。吳璥等奏馬營壩工續請加價銀兩。懇請前後統計增給等語。前據吳璥等奏馬營壩大工承辦稽料土方。因道遠雪大。每料一斤。請加銀一釐。共銀五釐。每土一方。請加銀一錢。共銀五錢。當經降旨准其自奉旨之日為始。併入攤徵。茲復據奏稱此次購料運工。

至五六百里以外。挑河集夫至四五十萬之多。承辦各員。賠累過甚。所增之價。實係前後牽算。酌加津貼。所奏尚屬實在情形。著照所請。准其前後牽算統計增給。併入攤徵項下歸款。○又

諭張文浩等奏酌議儀封料土價值一摺。著照所請。每料一垛。給銀一百八十兩。每蔴麻一斤。給銀四分。其挑河抽溝土方。每方給例加價銀五錢。壩工及各項土工。每方給例加價銀三錢。例價照銷。加幫各價攤徵還款。○又奏儀封漫口工程內有土性沙鬆。必須包築淤土工段。每土一方。酌加津貼銀一錢。



八分四釐。○又奏准儀工善後工程按儀封酌減稻料每斤給銀二釐四毫麻每斤給銀三分二釐其取土最遠及水中澆築者土每方給銀四錢其次給銀三錢近者仍照例價例價作正開銷幫價攤徵還款。○又奏准山東省張秋運河西岸一帶東阿壽張二縣及東平州各境內民堰修築缺口所需土方照案附近每方九分六釐遠處每方一錢二分各照例價銀數加倍幫價。○道光二年奏准河南省武陟縣堵合沁河南岸韓邨民堰漫溢各工仿古樊邨漫工成

案。稽料每斤共例加價銀二釐。蘇麻每斤共例加價銀二分八釐八毫。挑河幫餉還隄各土工。每土一方。共例加價銀三錢。由司庫借撥。照例攤徵還款。○又奏准永定河豫添備防稽料二百四十萬束。每束例價銀八釐。加運腳銀二釐五毫。○三年奏准河南省武陟縣堵築小劉邨及原馬棚漫口。需用稽料。每斤給例價銀二釐。挑土每方給例加價銀三錢。例價作正開銷。加價攤徵還款。○七年

諭程祖洛奏豫省代辦南河稽料。請仍由江省報銷一

摺。豫省前於道光五年協濟南河稽料。照江南例價  
覈算。加給運腳銀兩。經部臣以未經先行奏明。恐致  
牽混。行令由豫確切查明。據實具奏。茲據該撫奏稱  
所辦料垛。按照江省成規。較之豫省。例價稍有浮多。  
若歸豫省報銷。恐啟加價之例。且用本款代購運送。  
並未由豫省作支。覈與從前協濟郭工李家樓料垛  
各成案。均屬節省。實無浮冒。著照所請。前項協濟料  
四百垛。連運腳共用銀七萬三千五百兩。准其由江  
省自行報銷。○八年奉

旨。工部議覆。嚴烺奏豫東黃河兩岸各廳隄堰壩餞等

工所開丈尺土方銀數單內。土方價銀二錢一分六釐至三四錢不等。並未將例價津貼各若干。分析聲敘。著該河督即飭該道於估銷冊內。分別開明具題覈辦。至例價外津貼一項。原係偶爾請加。乃自嘉慶十九年以後。除二十年及二十四五等年照例開報外。其餘各年。俱請加津貼。援以為常。年復一年。何所底止。嗣後該河督務當覈實估計。力求撙節。不得任聽工員率請津貼。致滋糜費。○九年奏准。豫省北岸曹老廳應拋碎石水程較遠。照例加增運腳。每方銀十兩二錢六分六釐。○十二年

諭吳邦慶奏籌議估拋碎石並酌改舊章一摺前因東河碎石工程遞年加增降旨交吳邦慶詳查覈減茲據該河督查明豫東兩省濱黃各廳除歲購料無從增減外所有本年添辦防料共需銀十三萬六十兩著照所請改為四成辦料六成辦石其無須貯石之廳六成銀兩歸併他廳辦石俟各廳存石二三十方即將每年專案請石逐漸覈減該河督務嚴飭各廳此後發辦碎石無論為專案為六成統限伏汛以前全數碼貯該河督親往查驗應拋工段由該河督暨該管各道勘定後方准動用儻有遲延偷減並擅用

石方者。據實參處。毋稍姑容。○十五年奏。准東河沿隄立窯燒造新甎。以備拋築攬護。減埽節費。○

十七年

諭。票毓美奏。試辦甎工。確有成效。請豫提銀款。先事籌辦。一摺。河南省黃沁各工。收買民甎。拋壩攬護。化險為平。屢著成效。該河督請撥銀兩。先期籌辦。著照所請。准其於戊戌年春伏兩汛。例撥備防銀三十萬兩。內由河南藩庫豫提銀十萬兩。分派各廳。多添窯座。先時燒造。惟甎料體質堅鬆迥異。必須工料堅實。方能經久。該河督務當先期飭知廳員認真監造。臨時

該河督親往驗收。儻有草率偷減等弊。即行嚴叅懲辦。其所提銀款。著與歲稽麻石統歸來年報銷。又諭。前據御史李純奏。請將東河輒工暫停燒造。當有旨。派敬徵馳往查辦。並命李純隨同前往。茲據該尚書查明具奏。所議甚是。據稱道光十五年。該河督栗毓美因原陽一帶隄工喫重。本係無工處所。物料不備。即時收買民輓。拋築攔護。試有成效。因欲多辦輓工。以期減埽節費。該尚書周歷履勘。下北祥河等廳。拋成墊定之工。壓蓋碎石。跟澆土餞。現在尚屬整齊。並據各道廳密稟。水淺溜緩之處。拋輓壓石。以及保灘。

護涯均堪得力。其水深溜急之處。有甌石並用。放手加拋。始經站定者。有屢拋屢塌。改用埽工。方能穩固者。用甌搶辦險工。未可深恃等語。治河之法。不外以土制水。取其柔能抵剛。碎石質重體堅。用以防風護埽。亦得剛以濟柔之義。甌本土成。原可濟料石之不足。於河工亦不無裨益。該河督前請沿隄立窯燒造新甌。本為搶辦要工起見。惟土性沙城。坯難堅實。且近隄例有取土之禁。近料宜防意外之虞。行之日久。流弊滋多。是燒甌不如採石之無弊。用甌不如用石之一勞永逸也。著栗毓美即將已拋甌工。酌量壓石。



澆土以期永固。所有未拋之甃，並嚴飭道廳員弁確切報明存貯河干，以備應用。毋庸再行燒造，以符舊制而杜弊端。○又

諭敬徵栗毓美奏酌議改辦碎石章程一摺。東河試辦甃工，現據敬徵查勘明確，議請分別存貯，暫停燒造。自應以豫辦碎石為急務，著照所請。所有本年五月間奏准豫提戊戌年例撥防險銀十萬兩，准其儘數改辦碎石。其置窯燒甃即行停止，並著酌定各廳用石多寡，分派即時開採，限於明年桃汛前先完一半。伏汛前全數運工。由該河督覈實驗收，指示拋辦。儻

有藉詞延緩限內運不足數者。即行叅處。其例辦六  
成碎石。仍照常於霜降後扣明添料存數。再行發辦。  
此後每年查勘情形。酌覈增減。於七月內奏明豫提  
銀數。發廳備辦。以期源源接濟。工用不匱。○十九年  
諭。宋毓美奏豫籌儲備工需。以防串溝隱患一摺。又另  
片奏。甄工得力。省費惜形等語。著照所請。准其於北  
岸黃沁廳屬之馬營榮原兩隄。南岸下南廳屬之祥  
符下汎陳留汎。每廳各購甄五千方。於情形險要之  
處。酌量多寡。分段堆貯備用。凡所築土壩。飭令工員  
用甄擇要包砌。此項甄價。先由道庫墊發。俟於秋間

奏請購石項下撥還歸款。此外祥河曹考曹河糧河上南商虞各廳應先事豫防者。仍著該河督隨時督率道廳妥商辦理。並於查驗工料時認真稽查。如工員購輒不實。即行嚴叅著賠。以重工需。至用輒搶辦險工。較鑲埽更為便捷。且較石價多寡懸殊。錢糧節省。又所占河面無幾。不至有與水爭地之虞。該河督既確有把握。朕即責成辦理。總期行之無弊。方為不負委任。其應貯輒塊。仍令向民間收買。不必廳員設窯燒造之處。亦著照所議辦理。○二十一年

諭。朱襄等奏各廳歲料請援案津貼一摺。豫省各廳應

辦歲料。現因祥符興辦大工。購買較難。例幫二價不敷。自應酌加津貼。著照所請。所有本工下南一廳。每斤酌加銀五毫。距工最近之中河。蘭儀。衛糧。祥河。下北五廳。每斤酌加銀四毫。次近之上南。儀。睢。黃。沁三廳。每斤酌加銀三毫。距工最遠之睢。甯。商。虞。曹。考。歸。河。四廳。每斤酌加銀二毫。計各廳應辦壬寅年歲料五十垛。共加價銀八萬二千五百兩。准其由司庫墊發。統入祥符大工案內攤徵歸款。該河督等仍嚴飭各該廳趕緊購辦。於桃汛前堆足報驗。毋誤工需。

二十三年議准。豫省各廳購辦甲辰年歲料。因

中牟興舉大工購辦較難中河廳每斤加銀五毫上南下南衛糧三廳每斤加銀四毫黃沁祥河下北蘭儀四廳每斤加銀三毫曹考儀睢甯商虞歸河五廳每斤加銀二毫歸入中牟大工攤徵歸款○咸豐五年

諭近年以來軍務河工民生重困朕不惜蠲租發帑加惠黎元猶恐苛累之條蠲除未盡因念河南省有河工加價一款每年應徵銀四十餘萬兩係從前馬營儀封漳沁等工用過土方各項加價在於地糧內按限攤徵之款與錢漕正項本屬不同三十餘年積欠

累累該省賦額甲於天下。連年兵燹水災。差役繁重。而正供之外。復有此項攤徵。朕軫念閭閻。豈忍令其久為民累。所有此項河南省每年應徵河工加價等銀。著自本年為始。加恩豁免。永不攤徵。俾小民得以專完正課。如有本年已徵在官者。著該撫查明抵作今年正賦。○同治七年奏准上南等七廳酌加歲料價銀四萬八千七百餘兩。以資津貼。○八年覆准購買蕩柴價值。淮安裏河大汎購柴。每束銀六分八釐四毫。冬春每束銀五分一釐三毫。徐州大汎購柴。每束銀六分八釐四毫。湖蘆每束

銀三分九釐冬春柴每束銀五分一釐三毫湖  
蘆每束銀三分二釐二毫淮安堰頭大汛購柴  
每束銀七分二釐冬春每束銀五分四釐揚州  
大汛購柴每束銀六分三釐四毫江柴每束銀  
五分六釐冬春每束銀四分五釐九毫江柴每  
束銀四分六釐二毫稽料一項淮安裏河大汛  
購稽每束銀六分二釐八毫冬春每束銀四分  
二釐七毫徐州邳運宿三汛大汛購稽每束銀  
四分九釐六毫冬春每束銀三分六釐桃清安  
三汛大汛購稽每束銀六分二釐八毫冬春每

束銀四分二釐七毫。淮安堰盱大汛。每束銀六分六釐七毫。冬春每束銀四分三釐。惟辦各項工程。應於春令新料登場之際。豫行購買。不得概以大汛現購價值開報。○光緒十一年議准。河工辦料到工。委員盤查具結申送。如有虧少。着承辦秤收之員。勒限分賠。盤查之員。僅有瞻徇。照徇庇例。叅處。短少物料。責令分賠。儻盤查之後。該員私挪變賣。照侵蝕錢糧例。分別治罪。



欽定大清會典事例卷九百十

工部

河工 隄壩各項工程一

隄壩各項工程。凡工之式。有隄。有埽。有牘。有壩。有涵洞。有木龍。有障。有牌。隄高一丈者。上寬三丈。下寬十丈。先於本土鏟去地皮草根坑窪不平之處。均填補整齊。施以水礮。然後加以新土。層層潑水夯礮。期於一律堅實。總以籤試不漏為度。月隄首尾屬於大隄。河流逼近隄根者。於大隄之外。如式圍築。越隄形式與月隄相仿。

隄外圍築使水繞越而過遙隄離大隄稍遠築隄以為重障。縷隄水緩之處單隄兀立以資收束。江南河工埽高自五尺至一丈作一丈長計料用柴二十三束至五十束秫秸二十二束至五十束草一百五十束至三百束柳二十束至七十束大纜一條至四條小纜四十條至一百二十條留樑一根至八根籤椿一根揪頭滾肚繩一根填埽眼用柴八束至十五束草二十束至四十束河東埽高自五尺至二丈作十丈長計料用柳草各四百束至七千二百束大纜小

纓各百條至四百條。留橛二根。籤樁二根。箍頭  
繩三十條至一百四十條。揪頭繩二條至八條。  
滾肚繩二條至十條。埽箇高丈餘者用穿心繩  
一條。填埽眼用柳草各七十五束至一千二百  
束。直隸埽高自三尺至一丈。作一丈長計。料用  
葦四十束至四百五十束。大葦纒七條。小葦纒  
七條。至二十條。揪頭滾肚繩一條。留橛籤樁各  
二根。填埽眼用葦四束半至五十束。以上均令  
相機酌用。總以不出此數為度。其式有魚鱗龍  
尾丁頭等名。用以挑溜開行。護隄作障。牐迎水。

裏頭各橫長三丈。雁翅各斜長六丈。金門口寬二丈二尺。由身直長二丈四尺。分水雁翅各斜長八丈。裏頭各橫長三丈。砌石二十四層。高二丈八尺八寸。每丈用牆面石一丈。裏石一丈。裏石之後以河氈襯之。每丈用氈七十塊。牆石之後下馬牙椿。每丈每路二十段。入裏下梅花椿。每丈每路十五段。牆石每丈扣生鐵錠二箇。熟鐵鍋二箇。牖底鋪石。悉照上下裏頭迎水分水。寬長丈尺。鋪砌再於底石之下。每丈下梅花椿三十段。橫豎扣生鐵錠四箇。牖上下每丈每路

下關石樁二十根。外接築三和土。每方用石灰十石。沙淤土九十石。三和土每丈下頂土樁二十段。三和土上下口。每丈下關土樁每路二十段。兩牆各二十四層。除蓋面一層外。其餘每層金門兩牆下板雙槽並上下裏頭迎水分水雁翅轉角共十有六處。每處用熟鐵錠二箇。牖板二槽。用木厚八九寸。長如金門口寬之制。每塊用鐵環二箇。啟閉用蔴麻繩二條。絞關石六塊。每塊長五尺。每石一丈。用灌砌石灰一石。每河甌一塊。用灌砌石灰一升。每灰一石。用糯米汁

五升。三和土每灰一石。用汁米六升。每米一石。用熬汁柴二十束。滾水壩每座上裏頭各斜長三丈。高一丈三尺二寸。上雁翅各長三丈。高一丈八寸。金門由身各長四丈。高九尺六寸。下雁翅各長十丈。高一丈二尺。東水牆各長六丈。高一丈四尺四寸。下裏頭各長四丈。高一丈五尺六寸。牆面石後襯砌裏石。裏石之後襯砌河輒牆石之下。每丈每路下馬牙椿二十段。入裏每丈每路下梅花椿十五段。面石每丈接頭扣生鐵錠二箇。與裏石合縫扣熟鐵鍋二箇。照金門

鋪砌壩底橫長七十丈。上下坦坡中鋪石脊寬二十丈。底石下視土質之浮堅。定下椿之稀密。或上口下鎖口椿二路。下口下關石椿三路。石縫每丈橫豎扣生鐵錠四箇。聯絡一片。砌石襯裏。觀輒砌灰灌汁熬汁等項。均與建牕同。遇水勢盛漲。即令開放。水從壩脊滾出水涸之時。仍於脊上用柴土疊鑲。關攔堵禦束水壩。攔水壩凡遇全流門戶宣洩過多。藉以蓄留水勢。磯背壩尖出河流以分水勢。竹絡壩以竹篁盛儲碎石成砌。每篁長一丈或九尺。高三四五尺。寬五

尺至七八尺不等。每兩簍橫放交接之處。上下空縫。均用塊石填實。上面簍縫。用竹編紮聯絡。與簍面一式平整。每石簍用絆簍篾。纜一條。每纜一條。用鈎纜椿二根。用以洩漲涵洞。每座口寬二尺四寸。由身直上四丈五尺。上下裏頭各橫長三丈。迎水雁翅各長九尺。下分水雁翅各長六尺。裏頭各橫長三丈。砌石三層。高三尺六寸。每丈用雙料面石一丈。洞底後四角裏頭迎水分水。皆用料半石鋪砌。上用蓋面石一層。牆石後襯以河輒。每丈用河輒七十塊。牆石下每



丈每路下馬牙樁二十段。梅花樁十五段。洞底石下。每丈每路下頂石梅花樁三十段。洞口上下迎水分水。每丈每路下關石樁二十段。雙料石每丈用灌砌石灰一石。料半石每丈用灌砌石灰七斗五升。河輒每塊用灌砌石灰一升。汁米熬柴。均與建牖同。木龍編木自五層至十一層。長自數丈至數十丈。寬自三四丈至八九丈。均測水勢淺深。覈定規制。以挑河面大溜。其底層餘溜。用地成障。木龍面層中心空檔之上。仿天平架式搭架。上繫麻繩。障繫於架上。從龍

身中空檔插下直入河底。大溜遇障不能經過。自順障斜趨。衝刷對岸沙灘。再木龍遠出河心。迎溜安設。龍底豎繫纜直柱。扣繫上纜。岸上用犁戣帶住纜頭。不令走移。繫龍時逐層縱橫編木。留眼方二尺以作戣位。貫以大戣。從眼插入河底。以防大溜衝動。每戣安設葫蘆架一座。上用股車挽住戣頭大纜。便於絞車隨時起下。旁岸繫成升關木。木龍漸次升出。每次駕用眠車絞關。匠夫齊力升犁。頂住溜頭。每龍身之前設護盤以護龍挑溜。六楞障長二丈四尺。高六尺。

中心龍骨一根。用攢木十八塊。周圍六面龍脊  
楞木六根。兩頭中間三處。各用大撐木十根。每  
面用小撐木十二根。編以柳笆。升關木一根。夾  
椿二根。抵樑二根。留樑二根。下於埽外。攢溜護  
埽。三楞障。長二丈。高五尺。三面龍骨三根。中心  
空檔。編以柳笆。大小撐木與六楞相仿。排木障  
長三丈。用接椿八根。離埽數尺。挨順豎籤四路。  
深入河底。椿頂出水。每路二根。中留空檔。計十  
二層。橫下排木。間以柳枝。逼溜挂淤。每接椿一  
根。用楊木二根。陰陽筍扣搭合縫。旁加幫木。皆

用鐵箍柳牌。長四丈。頭寬一丈四尺。尾寬二丈。高十七層。一順一橫成造。每層順木六路。每層橫木通梁五道。斷梁八道。貫心接樁四根。升關木二根。靠關木三根。又洪澤湖救生樁。每長十丈。釘樁木二十根。每根長二丈九尺。八土一尺。管木十根。每根長二丈三尺。豎樁高四尺。釘梯木一根。橫樁寬五尺一二寸。梯木長九尺。兩頭出樁木之外。各一尺八九寸。豎二尺不等。俾遭風溺水之人。得以攀援而上。○順治二年。荊隆朱源塞口決。挾汶水由鹽河入海。始築荊隆口。

隄。○八年。築祥符單家塞。封邱李七塞。又築陳橋及鄭家莊隄。○十年。武陟沁水決。浸及修武。築祥符黑岡回龍廟。李七塞原武趙家莊蘭陽板廠考城芝麻莊等隄。○十二年。江都芒稻河改造牕門。建滾水壩於邵伯南。○十四年。黃河南徙。陳留孟家埠口潰決。於隄南築縷月隄五百丈。復築隄一千二百丈。陸續坍盡。水衝遙隄。別開引河一道。南面遂免衝決。濬儀封縣三家莊河長一千丈。以殺北來水勢。○十七年。河決陳州之郭家埠。築祥符班家埠魁星樓儀封楊

家堂封邱龍口商邱蘇家樓等隄及考城王家  
道壩。○康熙三年。杞縣河決。築祥符黑岡月隄。  
蘭陽銅瓦廂隄。虞城羅家口縷隄。及陳留貫臺  
儀封蔡家樓等隄。○四年。河決虞城。永城夏邑  
三縣。築封邱大王廟隄。○八年。河決三汉口。築  
祥符瓦子坡魁星樓。陳留梁家寨中牟原墩寺  
蘭陽梁家埠谷家營等隄。○十三年。築祥符貫  
臺陽武張家樓儀封蔡家樓考城芝麻莊等隄。  
○十六年。

命安徽巡撫靳輔總督河道大挑山清高寶等四州縣

運河。並清口爛泥淺引河四道。及清口以下至雲梯關河道。○是年。總河靳輔上經理河工事宜八疏。先於宿桃清三邑內。開引河以濟運。又於清口以下。直出雲梯關外。並開引河以導入海之勢。又開白洋清河以東引水河。而黃河始入海。開清口兩旁引水河。而淮水始出河。並築河岸遙隄。縷隄。修高堰。堵翟壩。上流載導。而揚境以內。工亦同時並舉。戢築雲梯關外東水隄一萬八千餘丈。塞于家岡。武家墩。高家堰等處。大決口十六處。○又題准築隄取土。或百丈外。

或里餘。近者離隄二十丈。或十五丈外。每堆土六丈為一層。杵三編。礮三編。層層杵礮。期於經久堅固。又題准河工頂衝之地。即以舊隄為縷隄。於舊隄之外。別築遙隄。以為重門保障。○十七年。創建王家營。張家莊。減水壩二道。又自龍王廟起。至四鋪溝止。築隄四千九百八十三丈。計程二十七里半。其玉皇閣一帶地勢當衝。題定椿埽要工五百餘丈。歲加修繕。又自桃源東界至石人溝止。築縷隄一道。長一千八百六十三丈。計程十里有差。又築江都漕隄。以高郵



清水潭決深不可築更於湖中繞回開河一道  
改築東西隄與舊隄相屬河成名曰永安河○  
十八年創建宿遷縣之朱家堂溫州廟桃源縣  
之古城清河縣之王家營安東縣之茆良口減  
水壩共六座又改置南運河於三汊河開滾水  
壩於江都之鰍背塞○十九年再置滾水壩於  
高郵城南又置於寶應縣子嬰溝值大水漕隄  
決創建山陽縣運河之鳳陽廠減水壩一座始  
挑阜河四十里以通北運又建碭山縣毛城鋪  
大谷山宿遷攔馬河歸仁隄邳州運河東岸馬

莊集減水壩十一座。開阜河上接洳河通運。又開張家莊通運口。二十年。增置高郵南北滾水壩凡八座。壩口二三丈不等。對壩皆開越河。以防舟行之險。凡舊隄險要處。皆更以石。又創建寶應子嬰溝高郵永平巷南關八里鋪柏家墩。江都鰍魚口減水壩共六座。改建高郵五里鋪車邏港減水壩二座。二十三年。

聖祖仁皇帝南巡。諭靳輔云。今年黃水倒灌。運河不可為訓。必須酌至妥之策。使之永不倒灌。欽此。遵旨覆奏。本年黃水倒灌。因黃強淮弱所致。嗣後於徐睢

黃河南岸。添造減水壩座。如遇淮黃並強之時。

啟黃河北岸減壩開洩。若黃強淮弱。則南北兩

岸減壩並啟。以北壩洩黃。南壩引黃助淮敵黃。

如此防法。可免倒灌之患。謹案新輶上治河書云。善後利運之圖。惟

有殺黃以濟淮。其策無如。廬壩善。建置廬壩之

地。又無如徐州上下善。乃相度於黃河南岸。陽

山。毛城鋪。徐州王家山。十八里屯。睢甯峯山。龍

虎山等處。為減水廬壩。共九座。其因山根岡址

鑿為天然。廬者居其七。既以殺黃。且使所過之

水。各隨地勢。由睢漢口靈芝。孟山等湖。以入洪

澤。而助淮。如遇淮漲。而黃消。則淮自足以敵黃

而。廬壩亦無可過之水。如遇淮消。而黃漲。則九

廬壩所過之水。分流而並至。即借黃助淮。以禦

黃。而淮之消者。亦漲。儻更遇黃淮俱漲。其勢略

等。則有中河。以洩黃。周橋六壩。是年。重挑金

以洩淮。亦不致偏強為害也。

灣人字河。建惠濟牐。在馬頭東南七里溝。舊名通濟牐。引淮水以達漕運。後以河水南侵。牐底淤墊。至是新鑿漕河於迤南三里。更建牐座為新運口。牐名惠濟。又築中河兩岸束水隄。又建永濟牐。在甘羅城南泰山墩。北與惠濟牐相望。亦通漕運。又建康濟牐。在陶家莊右。又建雙金門牐。在廣濟牐北鹽河內。又建小牐。在雙金門北。○二十四年題准河南考城儀封陽武三縣修築加幫隄。工長七千九百八十九丈。封邱縣荆隆口。築大月隄三百三十丈。滎澤縣修築埽

工二百一十丈。○二十八年題准竹絡壩務令如式建造。使水從壩過而壩不動。搖水動沙停而壩益堅固。○二十九年議准嗣後加幫之隄將原隄重杵。再加新土。創築之隄。將平地杵深數尺。加土建築。○又議准平常工程。向用龍尾埽。稀釘排椿。一遇風浪。即易塌卸。均令停止。○又議准嗣後一應石工。無論馬牙梅花等椿。皆用整木深釘。無論面裏丁頭等石。鑿鑿務極平整。石灰重飾。用米汁搗杵膠黏。又用鐵錠鐵錫聯絡。該道廳驗看。如違揭報。○又覆准分修工

程每人有一定丈尺。令總河於分修之官交界處所各立石樁。上鐫修理官姓名。舊隄亦立石編號。鐫明舊隄字樣。造冊報部。如有不依定式致被衝決者治罪。三十八年題准。清江大牘加高四層。又將大牘北岸下雁翅倒卸十丈。並越河牘東雁翅酥碎輒工十二丈。一併改砌石工。又將板牘闊口埽工一百二十丈。改建石工。又將盤糧廳前埽工五十五丈。淮城西門外護城椿埽隄工三百六十丈。改建石工。又估挑濶河。自興文牘起至劉均溝止。長一萬四千零三

十二丈八尺。並涇河自牖下起至射陽湖邊止。  
長八千二百五十丈。○三十九年議准南關大  
壩。迤南遷建大滾壩一座。長六十六丈。車邏壩  
迤南遷建大滾壩一座。長六十四丈。實堵南關  
並柏家墩二大壩。○又覆准永定河工程刷岸  
太甚者。開下大埽。其平常下埽。以四五六七尺  
為度。○四十年題准石工所用馬牙梅花等椿。  
土堅之地用一木二截。土鬆之地仍用一木整  
椿。○又題准清口西壩加築隄工。長四百八十  
丈五尺。頂寬六丈。底寬十丈。又西壩現長二十

丈。再接長五丈。新舊合長二十五丈。俾清口黃河之水向北下流。過惠濟祠合為一處。益加暢沛。黃河可永無倒灌之虞。○四十二年題淮煙墩險工。於大王廟東建築挑水壩一座。長十五丈三尺五寸。寬五丈。龍窩張家莊險工。建築挑水壩一座。壩臺長二十七丈三尺。壩身出水長十丈。寬八尺。九里岡險工。於大王廟東建築挑水壩一座。長九丈八尺。寬四丈。又九里岡險工。於舊龍門處建壩二座。內第一座長十四丈。寬五丈。第二座長十四丈。寬五丈。半路劉險工。於



上水頭頂衝處所。建築挑水壩一座。長五丈。寬八丈。上下雁翅各長八丈。○又

諭。洪澤湖風浪危險。每致損船。著於沿湖坡岸。釘椿木。以廣救濟。○又遵

旨。指示河溜險要地方。頂大隄起下長椿大埽。建築挑水大壩。長出河流。挑溜開行。上水建築雁翅並護涯埽。下水接下魚鱗埽。護涯埽。埽上一式加鑲。與大隄平。○四十四年定。高家堰險要之所。增設救生椿五處。○四十五年題准。建文華寺洩水壩一座。金門寬一丈五尺六寸。南岸牆

共長十六丈。北岸牐牆共長十四丈。砌高二丈四尺。牐下挑引河一道。由楊家廟至白馬湖。一遇桃伏秋汛。運河水漲。開放宣洩。水涸堵閉。並將澗河挑濬深通。又挑挖青溝河。使澗河水勢歸海。○四十七年題准。修築大墩分水處。西岸草壩加寬二丈。周圍二十九丈。分挑水勢。敵黃濟運。○雍正二年覆准。河工鑲墊。理宜畫一。自本年為始。每工寬長一丈高一尺。用葦柴三十束。秫秸如之。永為定式。○五年議准。月隄離河甚遠者。就近圍以套隄。甚長者。上下截以遙

隄作重門保障。○又覆准黃河大溜頂衝及埽灣之處。遇河涯汕塌。近至隄根。當多募人夫。廣用鋤。將臨河隄涯受衝處所。砌成斜坡。復伐取密葉大柳。懸於坡上。以禦急溜。○十一年議准。河工需用石料。雙料面石裏石。寬一尺二寸。厚六寸。河軌二寸。單料面石裏石。寬一尺二寸。厚六寸。河軌寬五寸。厚三寸三分。長一尺二寸。○又議准。河工修防。全在臨時審度。應探水勢之淺深。酌量用埽之大小。層路之多寡。籤樁之粗細。加鑲之寬厚。隨時覈定。○又議准。沈水大埽。並埽上加

鑲每長一丈。用秫秸三十八束。水淺防風。每單長一丈。用秫秸三十束。土半方。○又議准河工鑲填。每寬長一丈高一尺。柴工用柴三十八束。柳工用柳二十八束。草工淮揚道所屬用草一百十有四束。淮徐道所屬用草一百九十束。均壓土五分。如水勢深涌。於鑲填之上。籤樁一根。○又定龍尾埽。每長十丈高一尺。用柳十八束。葦柴十八束。小纓百條。每條重六斤。○又議准建築牆壩。須於上流先築排樁土壩一道。攔水施工。量河面寬深。每丈籤下排樁十根。夾木二

根蘆笆四片。絆纜二條。壩內填土。○十二年奏准東河工程埽壩舊例長一丈用柴三十八束。黃運湖河水深之處。沈下大埽與埽上加鑲水深湍激。墊陷靡常。自應照數動用。其水淺之處。因恐風浪汕刷。隄根用柴鑲護抵檣。名為防風。雖有墊陷。尚非頂衝者可比。嗣後每丈節省八束。著為定式。○乾隆五年議准清口乃黃淮交匯之區。係黃運湖河之樞紐。應於風神廟前東壩接長三十丈。止留口門二十丈。以資收束。運口頭壩外。拆去蓄清壩。自東向西接長五十丈。

丈。運口頭壩之南。接長挑水壩。如磨盤墩式。迴流入運。○六年議准。黃河自宿遷經桃源至清河二百餘里。運河南岸自宿遷十字河至清河雙牆。通築縷隄二萬五千二百五十二丈。又格隄九道。自十字河至桃源九里岡。通築一萬一千四百八十四丈。又格隄五道。以運河南岸縷隄作黃河北岸遙隄。○七年

諭。治河之道。惟有使黃水暢流。無所壅滯。則永慶安瀾。然使黃水無所壅滯。必須保固高家堰隄工。使清水力能敵黃。且以助其暢流之勢。從前總河雖將石工

稍加幫修。不若多費帑金。於隄工險要之所。及卑薄之處。皆加修石工。務令堅固高厚。以為久遠之計。

八年議准堵築河口。皆水深溜急。須先用軟鑲盤築壩臺。猶恐水激撼動。加細長麻繩兜攬拴繫。並用長大楊椿梅花鐵丁。按層鋪土槌壓。庶免滲漏。接下丁頭埽。除例用工料外。加用粗長滾肚揪頭麻繩拴繫。檣椿上加鑲墊。背後接築靠隄。以資堵閉。

十一年

諭。朕聞洪澤湖周圍寬廣五百餘里。遇風起浪湧。船有漂溺之患。康熙年間。

聖祖仁皇帝特設救生椿。釘於石工之外。被溺之人。全活甚多。今夏家橋地方有舊葦壩一座。並高堰迤南順水壩一座。皆有口門。為遭風船躲避之所。於行舟甚屬有益。再於高堰廳屬之老隄頭。山盱廳屬之高澗壩迤南。又徐家灣周橋四處。各增設護隄救生壩。俾沿河一帶人船。恃以安全。○又覆准。裏河廳屬運口。為淮揚運河之關鍵。全賴口門收束。頭二三壩口門。以不出四丈為度。○十六年

諭。洪澤湖上承清淮。汝潁諸水。匯為巨浸。所以保障者。惟高堰一隄。天然壩乃其尾閘。伏秋盛漲。輒開此壩。



洩之。而下游諸縣胥被其患。冬月清水勢弱。不能刷黃。往往濁流倒灌。在下游居民。深以開壩為懼。而河臣轉藉為防險秘鑰。二者恆相持。朕南巡親臨高堰。循隄而南。越三滾壩至蔣家牐。周覽形勢。乃知天然壩斷不可開。夫設隄以衛民也。隄設而民仍被其災。設之何用。若第掣流緩漲。自保上游搶險各工。而鄰國為壑。田廬淹沒。弗復顧惜。此豈國家建立石隄保障生靈本意耶。為河臣者。固不當如此存心也。天然壩當立石永禁開放。以杜絕妄見。近者河臣等。於開天然壩亦深以為非。而請於三滾壩外增建石滾壩。

以資宣洩。朕親臨閱視。謂增三為五。即以過水一二尺言之。向過三尺者。即為五尺。向過六尺者。增而至丈。是與天然壩名異實同。人必有議其巧避開壩之名。而陰襲其用者。是當為之限制。上年滾壩過水三尺五寸。天然壩仍未開放。應即以是為準。俾五壩石面高下維均。以仁義禮智信為之次。仁義禮三壩一如其舊。智信二壩則於石面之上加封浮土。必仁義禮三壩已過水三尺五寸。猶不足以減盛漲。則啟智壩之土。仍不減。乃次及於信。斯為節宣有度。較之開天然壩之一往莫禦者。懸殊矣。再高堰石隄至南滾

壩以南舊用土工石隄有首無尾形勢不稱應自新建信壩北雁翅以北一律改建石工南雁翅以南至蔣家牖水勢益平則石基甃甃如此方首尾完固屹如金湯永為淮揚利賴至洪湖東水藉以刷黃而上游宿虹鳳潁諸邑歲被水患議者謂洪湖盛漲諸邑先被其災洩洪湖仍於上游無補自朕觀之漲減則上游之漫溢者亦減此固在封疆大吏於未被水時先事綢繆而司水土者亦未可謂閭閻休戚非己職掌所在而專以來水保隄為得計也河工宿弊不可枚舉而無益之費尤多或明知無用而因循不廢或

因以為利。而妄事興修。即以朕巡視高堰一隄之內。已不勝屈指數。然觀河臣管領河漕。數千里民命所繫。視督撫綏輯一二省者為難。冒涉風雨。守護隄防。亦視督撫坐辦案牘者為勞。而督撫職在刑名錢穀。事有實據。是非難掩。河臣遵守章程。可以福命苟安。無事。則其任較易。向來河臣不乏表表尸祝之輩。而糜帑養患。有罪無功。其識機宜。得關鍵。實著功效者。幾人哉。果使全不興功。則置民瘼於不問。河臣幾於虛設。固無此政體。如其糜脂膏以擲虛牝。則蠹弊之最巨者。總之河不可不治。而毋徇其虛名。工不可不

興而必歸於實用。我

皇祖聖祖仁皇帝屢幸南河。

躬親指示。平成睿略。萬世永賴。朕何能仰企一二。即經臨視。有所籌畫。亦不敢自信為必不可易。惟愛養黎元。揆理度務。崇實敦本。兢兢業業之衷。可共白耳。將此詳細宣諭中外臣民。其庀材興工。一切應行事宜。河臣會同督臣。按例確估具題。二十三年。

諭駱馬湖尾閘。早行開放。使湖面騰空。以待汎水。此湖河第一要務也。湖雖瀦衆水。而不為及時宣洩。則停蓄既多。鮮不漫溢。向來治河諸臣。不思達其去路。而

惟恃湖隄捍禦。及湖漲難容。終至泛溢不收。遠近田廬胥受其害。今駱馬湖之水。由六塘河下洩而東流。入海。其河之兩岸。則宿桃安清海沛六州縣田廬在焉。伏秋大汛。民生攸繫。若使湖面早為騰空。則汎水之來。有所容納。盈科後進。源源下注。湖水無泛漲之虞。而六塘兩岸。亦斷不致潰決四出矣。豈惟此六州縣之利。其濱湖一帶運道民生。亦咸奏安瀾之慶。應如所奏速行。此後每歲大汛之前。應行開放時。著該總河會同該督。先期奏聞。以免因循觀望。並將此旨勒石湖濱。俾後之司河務者。永遠遵守焉。○又

諭據巡漕給事中奏稱。東省水患。由微山湖之漲溢而  
微山湖之漲溢。由黃河北岸之內灌。請於微山湖之  
南。圍築攔黃隄。工即以取土方塘。挑成順隄。河形導  
入荆山橋。出貓兒窪。入運。並於內華山西。建築通湖  
牕座。以備宣洩等語。具見悉心籌畫。黃河由豫入徐。  
兩岸夾束。河身甚狹。不潰決為銅山諸邑害。則漫衍  
而入於金鄉魚臺。今徐城已增築石工。足資捍禦。而  
山東之濱湖州縣。民舍田廬。不免仍為巨浸。孰非吾  
赤子而忍坐視。果使民生永獲安全。即多費帑金。朕  
所不惜。且年年蠲賑所費。不更無已耶。但是否實有

裨於東省。而於徐郡兩岸亦不致另生險工。或究不如於北岸無隄處所接築隄工之為得計。著逐加閱勘。詳籌妥議。請旨辦理。欽此。遵。

旨議准。黃河北岸接築隄工。委員發帑趲辦。○二十七

年

諭朕閱視高堰隄工。自武家墩迤北。於乾隆二十二年命建甌工以來。整繕堅緻。足資保障。惟由濟運壩至運口五百餘丈。尚仍土隄之舊。未免間有汕刷。自應一律接建甌工。至燒造甌塊尤宜較前寬厚。以期鞏固。俾全湖均藉安瀾。副朕軫念民生至意。○又



諭徐州迤西之毛城鋪石壩。向遇黃流盛漲。隨時啟放宣洩。但司事者經理或未協宜。既恐分減水勢。難以併力刷沙。且過水太多。有妨民田廬舍。前令河臣等慎重封閉。毋得擅啟。比年以來。中泓刷深。現至九尺三寸。成效已著。第念水東流深。偶值暴漲。不無漫灘出槽。積久遂成淤墊。議者欲於北岸新隄。改建石壩。以資減洩。不知有洩則必有淤。其為微湖荆橋等處之患。尤不可不為深慮。今回鑒取道。與總河諸臣悉心講求。自蔣家營傅家窪等形勢不宜節宣。當如常堅閉外。惟毛城鋪迤東之唐家灣。向有倒勾引河。可

以酌量分洩。然不詳定水誌。工員無所遵守。應遵洪澤湖開放清口現定之規。於唐家灣引河亦視徐城水誌長水一丈一尺。毋庸開放。若長至一丈一尺五寸以上。再將引河開放。俟水落即行堵閉。仍令該督撫河臣於按誌應放時。一面奏聞。一面辦理。清口並照此例行。其睢河為唐家灣下游。如遇減水稍淤。隨宜相機挑濬。俾引河減出之水。毋致壅滯。○二十九

年

諭雲梯關一帶為黃河入海尾閭。平沙漫衍。原不應設立隄岸。與水爭地。而無識者或以上流清口洩水較

多。遇海潮盛時。不免意存顧慮。因有子埏隄防之議。殊不知清口暢洩。其收利在下河州縣者。不可數計。至雲梯關附近。不過阜甯安東二邑所轄地面。即令一時偶值盛漲。所浸溢者。不敵十分之一二耳。既知下游之制防。一切毋庸置議。益可信清口之展放。無難永遠力持。於水利民生。交有裨益。○三十二年議。

淮運河。泗河二廳屬南陽以下西岸。為漕船輓緯要路。現在沈沒水底。湖河一片汪洋。運河廳自徐家營房起。至田家單牖止。修做排椿碎石。工長二千七百九十九丈二尺。泗河廳滕嶧二

汛修做排椿碎石。工長一千五百九十四丈。

又

諭朕此次巡幸天津。閱視淀河隄牆。按圖披覽。內自千里長隄之三灘里起。至格淀隄莊兒頭止。中間並無隄岸。詢之該督。稱向來未經辦理。每遇淀水漲發。地畝民居。不無淹浸。殊堪軫念。從前修築格淀隄。原為捍衛邨民。今三灘里至莊兒頭十餘里。獨無隄岸。以資保禦。邨民未免向隅。著詳細相度。接築長隄。即覈實估計。妥議具奏。○三十三年奏准。洪澤湖救生椿。勘明必須存留者估辦。其無關緊要及舊存椿。

工完整者。詳明停辦。○三十七年議准直隸省  
南運河遵

旨開通興濟捷地減河水有去路。嗣後如有新生淤灘。  
暨老灘古殘俱照永定河北運河例隨時挑截。  
統於歲修搶修案內報銷。○又議准北運河清  
水流沙。隨挑隨滿。其截灘之法。抽槽通溜。毋使  
嫩淤得老。與永定河一律辦理。汛官文武各員  
功過亦照永定河例辦理。○又

諭。嗣後遇應展清口時。仍照舊定章程及時妥辦。如清  
流平緩。即宜速為收堵。以符蓄清敵黃之制。○三十

八年

諭。今日閱視淀河。內鷹嘴壩及鹿疇兩處。應添引河工程。其鹿疇引河。擬挑九百丈。已足資取直之益。至鷹嘴壩曲處。該督止擬開挖引河一百二十七丈。仍恐射隄灣處。不能引溜歸槽。著向西北展長百十丈。則大隄不致頂衝。以資保障。河防原以衛民。惟期盡善。即為費較多。亦所不靳。著即照指示機宜。動帑妥協辦理。務令工歸實濟。民資利賴。四十年奏准山東省運河廳屬蜀山湖臨運隄工。內湖外河均屬喫緊。修築裹石五段。長六百七十七丈。碎石坦

坡十段長一千六百六十四丈。四十一年奏  
准直隸省滄州捷地壩添築石坦坡攔水雁翅  
牆上高七尺下高一丈二尺每丈納溜五寸使  
水勢逐漸落低平行順流牆頂一律平直雁翅  
牆上高七尺下高九尺牆下地基頂築小夯石  
子五寸灰土五步中築大式大夯厚五寸灰土  
五步下築大夯厚七寸素土五寸槽內用柏木  
釘十二路每路十二根。又外河廳屬陶莊迤  
上開挖引河使黃水繞北下注並於舊河內改  
築攔黃大壩俾溜勢全歸新河並添做夾壩以

資捍禦。於次年堵築完工。○四十七年

諭前開放顧家莊引渠。分洩運中河水。暢達入黃。朕以該處引渠。分洩上游漫口之水。既能得力。即使掣動全河。由此歸入舊黃河。直注入海。似無不可。因降旨詢問該處情形。是否可以如此辦理。此朕廑念河防。設為或然之想。今據覆奏。顧家莊所開引河。分洩運中河之水入黃。實為得力。若一經掣動全河。則顧家莊至楊家莊口門七十里運道。即不能通行舟楫。必須經由黃河七十里。始行入運。此等情節。朕實未知。據實入告。所辦甚是。自應照所議行。朕辦理庶務。從



不肯絲毫稍執己見。況河工運道必須親歷其地。目擊情形。方能洞悉無遺。如果該處情形未便原應據實直陳。不必稍涉迴護。方合大臣任事之道。即如豫工需用鄰省助夫一節。經朕降旨寬予限期。至明春桃汛開放引河。其直隸山東雇募人夫俱停止前往。亦因伊等辦理此事。見識實有未到。朕自當為之通籌全局。伊等在工言工。任大責重。故見張皇。朕亦不之怪也。○四十九年

諭。天然牘下。既舊有引河。年久淤墊。理應一律疏濬。深通。以備盛漲之年。開放分洩。首先辦理。方為有備無

患其所奏外河順黃壩隄工後深塘用土填平並於  
迤下估築新隄一道應次第辦理以資保障至該督  
等所稱高堰石子堰尾工尚矮須一律加高培厚一  
節高堰石工既經加高層數其土堰間有卑矮之處  
自應一律加高培厚接成一勢並應栽種柳樹俾根  
株盤結更可永遠鞏固該督等其遵照妥辦所需錢  
糧著照所請於兩淮運庫撥用○五十年

諭運中河一帶甫經大挑即形淺阻皆因貓兒窪以下  
未經早建牯座以致水無擎托牯座原為關束水勢  
而設貓兒窪以下添建石牯二座既經奏准即當迅

速趕辦。一面購採石料。運送工所。一面將應建牕座之處。同挑濬時趕建完竣。則鋪水之時。層層皆有節制。方為有裨。何得等候運河挑竣始行採買石料。迨長河業經鋪水。牕座尚未建完。自然流行迅駛。水無擎蓄。不敷浮送。且建牕時。又須岸水築壩挑挖月河。轉多周折繁費。是有意另開鑪竈。為冒銷地步。貽誤要工。莫此為甚。所有原估銀十三萬餘兩。自應不准開銷。著落分派。